

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

«---» ----- 2017թ.

N-----Ա

ՈՐՈՇՈՒՄ

ԳՈՒՅՔԻ ՓՈԽԱՆԱԿՄԱՆ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 589-րդ հոդվածով.

Երևան քաղաքի ավագանին որոշում է.

1. Թույլատրել Երևանի քաղաքապետին՝ Երևան համայնքի սեփականությունը համարվող Մարգարյան փողոցի հ.45 շենքի հ.75՝ 65.9 քմ մակերեսով բնակարանը (անշարժ գույքի նկատմամբ իրավունքների պետական գրանցման հ.21072015-01-0125 վկայական) փոխանակել Հրանտ Աղաբեկյանին, Լուսինե Մարգարյանին, Հռիփսիմե Աղաբեկյանին, Պետրոս Աղաբեկյանին սեփականության իրավունքով պատկանող (անշարժ գույքի սեփականության /օգտագործման/ իրավունքի գրանցման 28.03.2008թ. հ.2557909 վկայական) Մոլդովական փողոցի հ.29/4 շենքի հ.18 բնակարանի հետ:

ԵՐԵՎԱՆԻ ՔԱՂԱՔԱՊԵՏ**Տ. ՄԱՐԳԱՐՅԱՆ**

Տ Ե Ղ Ե Կ Ա Ն Ք - Հ Ի Մ Ն Ա Վ Ո Ր ՈՒ Մ

«ԳՈՒՅՔԻ ՓՈԽԱՆԱԿՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

Նախագծով նախատեսվում է Երևան համայնքի սեփականությունը համարվող Մարգարյան փողոցի հ.45 շենքի հ.75՝ 65.9քմ մակերեսով բնակարանը փոխանակել Հրանտ Աղաբեկյանին, Լուսինե Մարգարյանին, Հռիփսիմե Աղաբեկյանին, Պետրոս Աղաբեկյանին սեփականության իրավունքով պատկանող Մուղովական փողոցի հ.29/4 շենքի հ.18 բնակարանի հետ:

Երևան, Մարգարյան փողոցի հ.45 շենքի հ.75՝ 65.9քմ մակերեսով բնակարանը, համաձայն անշարժ գույքի նկատմամբ իրավունքների պետական գրանցման հ.21072015-01-0125 վկայականի տվյալների, հանդիսանում է Երևան համայնքի սեփականությունը, իսկ Մուղովական փողոցի հ.29/4 շենքի հ.18՝ 34.6 քմ մակերեսով բնակարանը (անշարժ գույքի սեփականության /օգտագործման/ իրավունքի գրանցման 28.03.2008թ. հ.2557909 վկայական) սեփականության իրավունքով պատկանում է Հրանտ Աղաբեկյանի ընտանիքին /ինքը, կինը աղջիկը և տղան/:

Հրանտ Աղաբեկյանը հանդիսանում է Արցախյան պատերազմի ակտիվ մասնակից: Նա 1991 թվականից մինչև հրադադարի հաստատումը մասնակցել է Վարդենիսի բնակավայրերի, ինչպես նաև Մարտակերտի շրջանի Բաշ Գյունեփայա, Օրթա Գյունեփայա, Չլդրան, Կիչան, Մանիքլո, Հադրութի շրջանի Ցոր և Վանք գյուղերի համար մղված մարտական գործողություններին: Այնուհետև, որպես հետախուզական դասակի հրամանատար, Շուշիի առանձին հրաձգային գումարտակի կազմում մասնակցել է Մարտակերտում, Ադդամում, Կուբատլուի, Զանգելանի, Ֆիզուլու, Քելբաջարի շրջաններում ընթացող ինքնապաշտպանական և ազատագրական մարտական գործողություններին, որոնց ընթացքում ստացել է բեկորային վիրավորում և ցնցակաթված:

Հրանտ Աղաբեկյանը պարգևատրվել է ՀՀ նախագահի մարտական ծառայության մեդալով, ՀՀ պաշտպանության նախարարության «Ծովակալ Հ.Ս. Իսակով» և «ՀՀ զինված ուժերի 20 տարի» մեդալներով, իսկ 2002 թվականին ԼՂՀ նախագահի հրամանագրով պարգևատրվել է «Արիության համար» մեդալով:

Հաշվի առնելով նրա մարտական ուղին և բնակության սուղ պայմանները, ինչպես նաև բնակարանային պայմանների բարելավման անհրաժեշտությունը մշակվել է ավագանու սույն որոշման նախագիծը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք

**«ԳՈՒՅՔԻ ՓՈԽԱՆԱԿՄԱՆ ՄԱՍԻՆ» ԵՐԵՎԱՆՔԱՂԱՔԻ ԱՎԱԳԱՆՈՒ ՈՐՈՇՄԱՆ
ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ
ԱՆՀՐԱԺԵՇՏՈՒԹՅԱՆ ԿԱՄ ԲԱՅԱԿԱՅՈՒԹՅԱՆ ՄԱՍԻՆ**

Երևան քաղաքի ավագանու «Գույքի փոխանակման մասին» որոշման նախագծի ընդունման
առնչությամբ այլ իրավական ակտերի ընդունման անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք

**«ԳՈՒՅՔԻ ՓՈԽԱՆԱԿՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՄՈՒՏՆԵՐՈՒՄ
ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Գույքի փոխանակման մասին» որոշման նախագծի ընդունման կապակցությամբ Երևանի բյուջեի եկամուտներում և ծախսերում փոփոխություններ չեն առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ